

СВЯТЫЙ
ДИМИСИЙ

АРХИЕПИСКОП
СУЗДАЛЬСКИЙ

СЛУЖБА • АКАФИСТ
ЖИТИЕ

ИЗДАТЕЛЬСТВО
МОСКОВЕКОГО ПОДВОРЬЯ
СВЯТО-ТРОИЦКОИ СЕРГИЕВОИ ЛАВРЫ



МОСКВА • 2004

УДК 27 – 528

ББК 86.372

С25

*По благословению митрополита
Нижегородского и Арзамасского
Николая*

Служба о святителе Дионисии, архиепископе Суздальском, — последняя, выход в свет которой благословил Высокопреосвященнейший владыка Николай незадолго до своей блаженной кончины, последовавшей 21 июня 2001 года.

Светлой памяти почившего в Бозе архиастыря посвящают издатели свой труд.

© Игумен Дионисий (Колесник), составление,
2004

© Московское Подворье Свято-Троицкой
Сергиевой Лавры, 2004

ISBN 5-7789-0130-5



СЛУЖБА СВЯТЫМ ДИОНИСИЮ, АРХИЕПИСКОПУ СУЗДАЛЬСКОМУ

НА ВЕЛИЦЕЙ ВЕЧЕРНИ

На Господи, возвах: стихиры на 8, глас 5

Подобен: Радуйся, Живоносный Кресте:

Радуйся, Киево-Печерское воспитание,/ собесѣднице
и спѣстнице преподобному Сѣргію./ Радуйся, Ниже-
городскія земли подвижнице,/ преподобных Евфимія и
Макарія наставнице./ Радуйся, Вознесенскія обители
начальнице/ и Суздальскія земли архипастырю./ Радуйся,
о всей земли Россійстей теплый молитвеннице/ и пред
Богом надежный заступнице./ Радуйся, святителю отче
Дионісие.

Радуйся, Великія Лавры отрасли духовная,/ смиреніем,
терпением и постом всех удививый./ Радуйся, на берегах
Волги обитель чудную основавый/ и храм Вознесения
Господня устроивый./ Радуйся, множество иноков собравый/
и начальником от Христа над ними поставленный./ Радуйся,
дванадцать иноков на проповедь Евангелія пославый/ и
во страны и грады верхнія направивый./ Радуйся, святителю
отче Дионісие.

Радуйся, святителю отче Дионісие,/ Суздальскія стра-
ны хранителю./ Радуйся, молящимся крепкое упование/ и

христианом мудрый учителю./ Радуйся, Православия ревнителю/ и благочестия хранителю./ Радуйся, ереси стригольников обличителю/ и неустанный в трудах святителю./ Радуйся, всем нам заступниче неборимый/ и пред Богом теплый предстателю.

Радуйся, Церкви Православная светлое украшение/ и Христовых заповедей известный хранителю./ Радуйся, земного отечества нашего светлое радование/ и заблуждших к свету богопознания путеводителю./ Радуйся, монахов предивный наставниче/ и мирских человек теплый заступниче./ Радуйся, Суздальского удела украшение/ и Нижегородского края удобрение./ Радуйся, яко Российския земли светозарное светило явился еси/ и храм Духа Всесвятого обрелся еси,/ радуйся, предивный иерарше Дионисие.

Радуйся, во епископа Нижнего Новгорода поставленный,/ осиянием добродетелей христианских всеукрашенный./ Радуйся, от ереси стригольников защитниче мужественный/ Церкви и всей земли Российския явивыйся./ Радуйся, иже Божественною ревностью распалаемый,/ разорил еси тьму еретического нечестия./ Радуйся, мудростию словес твоих князя мужески обличивый,/ православныя законы утверждая./ Радуйся, в Константине граде всех своими добродетельми удививый/ и за ревность велию о Господе/ митрополитом Русския земли поставленный,/ святителю отче наш Дионисие,/ ты же молися о спасении душ наших.

Слава, глас 6

Великия Киево-Печерския Лавры отрасль духовная был еси,/ на реку Волгу с иконою Божия Матере пришел

есї/ и на ея брегах, близ Нїжняго Новáграда, чúдную обїтель устроїл есї,/ постóм, молїтвою, слезáми весь край сей освятївый/ и мнóжество їноков в ней собра́вый,/ духо́вно возрастївый и во а́нгельский о́браз посвятївый/ Евфїмїя преподóбнаго и Мака́рия досточúднаго,/ с нїмиже моли́ся, святїтелю о́тче Дионїсїе,/ дарова́ти нам ве́лию мїлость.

И ны́не, Богородичен: Кто Тебе́ не ублажїт:

Вход. Прокїмен дне. Чтения три.

Прїтчей чтéние (**главы 3 и 8**); Прїтчей чтéние (**главы 10 и 11**); Премúдрости Соломо́новы чтéние (**глава 4**).

На стихóвне стихїры, глас 1

Подóбен: Небéсных чїно́в:

Предївный иерáрше Дионїсїе,/ житїем со Христóм соединїлся есї,/ чрэсла любóвию препоя́сал еси,/ смире́ных путь позна́л еси,/ свети́льник ве́ры украсїл еси/ еле́ом милосéрдия и мїлости./ Тем с мúдрыми вшел есї в Небéсный Черто́г,/ иде́же, предсто́яй Влады́це Христú,/ моли́ся, да услы́шим вопль, призывáющий в полу́нощи,/ и вси изы́дем гото́ви в срéтение Емú.

Стих: Священницы Твои́ облекúтся в правду,/ и преподóбнии Твои́ возра́дуются.

Вма́ле был есї ве́рен, преблаже́нне Дионїсїе,/ над мнóгими тя поста́ви Господь,/ те́мже и просла́вился есї/ добродéтельнаго житїя́ о́бразом,/ Того́ законоположе́нием

послѣдуя,/ яко истинный дѣлатель винограда Христова
явился еси/ и возшел еси в радость Господа твоего,/ Ему-
же ныне предстоя, молишися о душах наших.

Стих: Блажен муж, бояйся Господа,/ в заповедех Его
восхощет зело.

Ревнителю благочестия,/ изрядный дѣлателью винограда
Христова,/ Священных Писаний совершенный познатель,/
преданием прилежный исполнитель,/ ихже приял еси от
Христа Бога/ и святых Его апостолов,/ темже явился еси
светильник Церкви, святителю Дионисие,/ не престай
моляся о всех, к твоей помощи прибегающих.

Слава, глас 6

Мирский мятеж оставил еси/ и взем крест, последовал
еси Христу,/ преподобных Антония и Феодосия/ ученик
добродетельный явился еси,/ Бога возлюбивый всем серд-
цем,/ тесным путем шествовал еси,/ любовью Христовою
утверждаяся,/ и ныне, на свое стадо с Небес взирая,/
молися Господеву помиловатися душам нашим.

И ныне, Богородичен: Творец и Избавитель:

Тропарь, глас 8

Православия ревнителю,/ благочестия наставниче,/
ищущим спасения добрый кормчие,/ монашествующих
богодухновенное украшение,/ богоносного Евфимия себе-
седниче, святителю Дионисие,/ учеными и добродетельми
отечество твое просветил еси,/ не забуди нас, чтущих
тя,/ но в мире управи живот наш.



НА УТРЕНИ

**На Бог Господь: тропарь святого, дважды.
Слава, и ныне, Богородичен.**

По 1-й стихологии седален, глас 8

Равноангельно во обители Печерстей пожил еси,/
преподобных отец житию последовав,/
и обитель яко град
на горах поволжских основал еси,/
в нейже множество
инок собрав,/
образ им для подражания явился еси./
Ныне же, предстоя Престолу Владыки всех, преподобне
Дионисие,/
испроси мир миру, стране Российской
утверждение/
и спасение душам нашим.

Слава, и ныне, Богородичен

Дева Всенепорочная, Пресущественного Бога рождающая
человеком,/
со преподобным Того непрестанно моли о
нас,/
согрешений оставление и жития исправление нам
прежде конца даровати,/
верою поющим Тя по долгу,
Единая Всепетая.

По 2-й стихологии седален, глас 4

На земли, яко Ангел, с плотию пожил еси,/
святителю
Христов Дионисие,/
добродетельным житием украсився,/
молитвою с Богом соединився,/
бдением от напастей враг
сохранився,/
труды милосердия весь освятився и над
страстьми воцарився,/
темже пришедше ко Владыце Хри-
сту,/
моли верно чтущим тя грехов оставление даровати/
и велию милость подати.

Сла́ва, и ны́не, Богоро́дичен

Божество́нная была́ еси́ сень Сло́ва, Еди́на Пречи́стая Де́во,/ чистото́ю Ангелы́ превосходя́щая,/ мене́, па́че всех пе́рстию б́вшаго, оскверне́на плотски́ми прегреше́ньми,/ очисти́ Твои́ми моли́твами,/ Божество́нными вода́ми омыва́ющи и пода́ющи, Чи́стая, ве́лию ми́лость.

По полиеле́и седа́лен, глас 1

Яко звезда́ днесь пресве́тла, святите́лю о́тче Диони́сие, от Ки́ева Вели́каго возсия́л еси́/ и Це́рковь Бо́жию свои́ми добродете́лями украси́л еси́,/ сердца́ просвеща́ющи всех к твоemú заступле́нию притека́ющих;/ ду́ши ве́рою и любóвию тя песносло́влящих николи́же во свои́х моли́твах не оставля́еши;/ страсте́й и ко́зней диа́вольских свобожда́еши всех че́ствующих святу́ю па́мять твою́.

Сла́ва, и ны́не, Богоро́дичен

Яко всем скорбя́щим и́стинное утеше́ние/ и заблуждшим от и́стиннаго пу́ти пра́вое наставле́ние,/ предста́ни ско́ро нам, Пречи́стая Богороди́тельнице,/ и лю́те оби́димых от напа́стей изба́ви./ Вся бо мо́жеша, ели́ко хо́щеша,/ иму́щи дерзнове́ние к Сы́ну Своemú и Бо́гу./ Егóже умоли́ Ма́терними Свои́ми моли́твами,/ согреше́нием прощ́ение дарова́ти/ благочестному́дренно почита́ющим Рожде́ство́ Твое́.

Та́же степе́нна, 1-й антифо́н 4-го гласа

Прокі́мен: Честна́ пред Го́сподем/ смерть преподо́бных Егó. **Стих:** Что возда́м Го́сподеви о всех, я́же воздаде́ ми? **Ева́нгелие от Ио́анна, зача́ло 35, от полу́.**

По 50-м псалмѣ стихіра, глас 6

Подобен: Триднёвен:

Приидіте, мно́жество люде́й благочесті́вых,/ днесь богомудраго святітеля Дионі́сія пѣсньми и пѣнии восхва́лим/
и честну́ю егѡ ико́ну любѣзно облобыза́им, глаго́люще:/
ра́дуйся, пресла́вный святітелю Дионі́сие, ѡ́тче наш,/ гра́ду
Сузда́лю и Нижегородстей земли́ хранітелю,/ ра́дуйся, я́ко
благоче́стия столп и побѡрник істины в земли́ Россі́йстей
явілся еси́,/ ра́дуйся, я́ко Святѣ́й Трѡице предсто́иши со
Ангелы,/ Ю́же моли́ непреста́нно/ дарова́ти душа́м на́шим
вѣлию ми́лость.

Кано́н святітелю, глас 8

Песнь 1

Ирмо́с: Во́ду проше́д, я́ко су́шу,/ и егѣпетскаго зла
избежа́в,/ израільтянин вопія́ше:/ Изба́вителю и Бо́гу
на́шему по́йм.

Отвѣрзи ми устне́ благода́тию Твое́ю, Христе́,/ мрак
душі́ моея́ отгна́в,/ и озари́ ум мой, молю́ся,/ я́ко да
возмо́гу чи́стым се́рдцем пѣти Твоегѡ уго́дника,/ препо-
дѡбнаго Дионі́сія.

Приидіте, вѣрнии ча́да, днесь/ церко́внаго свети́льника
и столпа́ непоколебѣ́има,/ Правосла́вия учи́теля и благо-
че́стия ревни́теля,/ істины проповѣ́дника и нече́стия
искорени́теля,/ блаже́ннаго Дионі́сія пѣсньми добро-
хва́льными воспо́йм.

Кіево-Печёрскія Лавры óтрасль духонóсная был есі,/ смирéнием, терпéнием и постóм вéлию мíлость у Бóга стяжал есі,/ тáко испросí и нам у Влады́ки Христа́/ терпéние, смире́ние и душáм нáшим надéжду о спасéнии.

Богáтыя и светонóсныя благодáти испóлнен,/ в обíтели Печёрстей íночествовал есі/ и тáмо, я́ко безплóтен, к добродéтелем приведе́ свой ум,/ óтче чúдне Дионíсие.

Богорóдичен: Я́ко Истинный Свет от ложéсн Сво́их явívшая мíру,/ нас, во тьме страстéй ходя́щих, просветí и настáви на путь,/ Путь порóждшая рóду христиáнскому,/ Марíе Богоневéсто.

Песнь 3

Ирмос: Небéснаго кру́га Верхотворче, Гóсподи,/ и Цёркве Зиждítелю,/ Ты менé утверди́ в любви́ Твоéй,/ желáний краю, вёрных утверждéние,/ Едíне Человеколю́бче.

Отéчество духóвное твоé оста́вил есі/ и, Нíжняго Нова́града вскóре дошéd,/ в нем чúдную обíтель созда́л/ и собра́л еси́ мнóжество íноков, ца́рский путь спасéния им показу́я,/ тáко и нас не забúди и упра́ви к Небéсным обíтелем,/ чтúщих святу́ю пáмять твою́.

Нóвую Печёрскую обíтель на высóких брегáх Вóлги устро́ил есі,/ из нея́же всю Нижегородскую зéмлю/ пóдвиги поста́, молíтвы и обíльныя мíлостыни украсíл есі,/ Дионíсие, óтче священнейший,/ моли́ся Христу́ Бóгу о спасéнии душ нáших.

Начальником от Христа в обители Печерстей поставлен был еси,/ собеседник и спостник преподобному Сергию явился еси./ С нимже у Христа Бога испроси нам здравие и спасение/ и душам нашим велию милость.

Времена и лета достопамятных деяний списати,/ труды и подвиги простаго люда писанию предати/ ты, отче Дионисие, инока Лаврентия благословил еси,/ и тем на рать духовную народ обрати,/ страну и веру нашу от безбожных и чужеврных находений сохранить.

Богородичен: Солнце Правды, Истинный Бог наш, плоть приял от Тебе,/ миру возсиял есть, Марие Дево,/ и тля многобожия погибе до конца./ Светом Сына Твоего, Дево Марие, унынием мя омраченного просвети/ и настави на путь спасения.

Седален, глас 8

Из Лавры Великия пришед,/ иконою Пресвятыя Богородицы весь край Нижегородский освятил еси./ Обитель Вознесенскую на горах Волги устроивый/ и в ней подвиги просиявый,/ оттудуже на Суздальскую кафедру поставлен был еси,/ святителю премудре Дионисие,/ моли Христа Бога/ грехов оставление даровати/ почитающим любовию всечестную память твою.

Слава, и ныне, Богородичен, глас 3

Не от Ангел, ни от человек,/ но от Сына Твоего, Владычице, Творца Ангелов и человек, / короткаго и смиренного сердцем Иисуса,/ смирению удобь навикнути

могú и не прилежú:/ увы́ мне! Горд сый, презорли́в и непокорив прísно от нерадénия моего́ явлúся./ Тя úбо, о Дéво Пренепорóчная, молю́ сокрушénно с тéплыми слезáми,/ éже дух крóтости и смирénия сёрдцу моему́ даровáти,/ да вку́сит покóй сладчайший душá моя́.

Песнь 4

Ирмос: Услы́шах, Гóсподи,/ смотрénия Твоегó та́инство,/ разумéх дела́ Твоя́/ и прослáвих Твоé Божество́.

Ико́ну Богомáтере Одиги́трии во освящénие,/ покрóв и ограждénие земл́и Россíйстей из Царьѓрада принéсл еси́./ И та истóчник исцелénий и чудотворénий всем с véрою к ней притека́ющим показúет/ и от всяких напáстей щит держáвен явля́ет./ Ты же, святítелю, непрестáнно моли́ся,/ да покрýет Дéва Пречíстая Своим омофóром вся, к Ней притека́ющия.

Во еписко́па Нíжняго Новáграда поставленный/ и сиянием добродéтелей христиáнских всеукра́шенный,/ мýжественный защítник Цérкве и земл́и Россíйския от éреси стригóльников яв́ился еси́,/ святítелю óтче наш Дионíсие,/ моли́ся Христу́ Бóгу спасти́ся душáм нáшим.

Та́ко просвети́ся жити́е твоé пред челове́ки,/ яко ви́девше добродéтели твоя́, óтче,/ избрáша тя на престóл архиерéйский ѓрада Сýздаля,/ ему́же дивный архипáстырь был еси́,/ Пастыреначáльнику приводя́ своя́ óвцы, Иису́су Человеколю́бцу.

Помыслив злáя, агáрянин злочестíвый, стрелу́ лука́вую пусти́,/ тебе́, святítелю, сгуби́ти восхотéв и véру святу́ю

попрати,/ но ты, Богом сохраняемый и Материю Его Пречистою,/ цел и невредимъ пребыл еси.

Богородичен: Поющих Ти, радуйся, избавльшая варварскаго служения, изми ны работы чуждаго,/ и сокрушив в мислех идолострастие, насади благоразумие страха Божия./ Ты бо еси всему благу Вина, Начаток и Исполнение.

Песнь 5

Ирмос: Просвети нас повелении Твоими, Господи,/ и мущею Твоею высокою/ Твой мир подаждь нам,/ Человеколюбче.

Храм Духа Всесвятаго явился еси,/ предивный иерарше, отче наш Дионисие,/ Нижний Новград непрестанными молитвами и священнодействием твоим облагоухал еси./ Темже и ныне ходатайством твоим, святе,/ душевные и телесныя болезни наша исцели/ и всепрощение грехов нам у Бога испроси.

Благочестия столп непоколебимый явился еси,/ светом добродетелей твоих осиявый Суздальский удел./ Ныне же в селениих праведных водворяясь,/ молися о нас ко Господу, да спасет души наша.

Яко велико облистал еси солнце, от славнаго Суздаля/ зарею словес твоих и чудес сияние испущаяй во всю землю Российскую,/ святителю Божий,/ и вся освящаяй благочестно тя убожающия.

Пастырь воистину добрый словесному стаду твоему, святителю Дионисие, был еси,/ душу свою за овцы своя положить готовый./ Темже и явился еси обидимым

заступник непреоборимый, правды же ревнитель неустрашимый, / сильных мира сего с любовью обличаяй и пасомых своих отечески вразумляяй, / заблуждшия же на путь правый, премудре, наставляяй.

Богородичен: Все роды блажат Тя, Марие Царице, / и мы, песнями блажаше, изображенному на иконе лику Твоему поклоняемся, / праздник светел во памяти святителя Твоего празднующе.

Песнь 6

Ирмос: Молитву пролию ко Господу / и Тому возвещу печали моя, / яко зол душа моя исполнися, / и живот мой аду приближися, / и молюся, яко Иона: / от тли, Боже, возведи мя.

Восхвалим вси великаго святителя Дионисия, / почтим заступника и утверждение земли Российския и края Суздальскаго хранителя, / ереси стригольников ревностнаго искоренителя, / худаго намерения княжескаго непреклоннаго обличителя, / и тако возопийм: / несть свят, якоже Бог наш, / и несть праведен паче Тебе, Господи.

Во град первопрестольный на собор призван был еси, / един от всех епископов княжескому повелению противоста, / честь Митрополии Московския оберегаяй, / противу ставленника князя возстаяй, / злосчастному Митяю на кафедру первосвятительскую взяти возбраняяй, / ныне же молися о нас ко Господу помилватися душам нашим.

Ты неправо ходящим противостал еси, преподобне, / никакоже соизволяяй без благословения Вселенскаго

Константи́на гра́да Патриа́рха произве́сти на престо́л
митрополи́та/ и нече́стно да́ти во́лка в па́стыря овца́м,
благоче́стно Христа́ сла́влящим.

Сугу́бым рве́нием о благоче́стии распаляе́мь,/ спе́шно
прише́л еси́ в Царьгра́д,/ пред Патриа́рхом Ни́лом наме́ре-
ние архимандрита́ Михаи́ла облича́яй/ и Русь от е́реси
стриго́льников оберега́яй./ Те́мже мы твоё раче́ние о
Правосла́вии воспева́ем,/ сла́вяще Го́спода во ве́ки.

Богоро́дичен: Свире́пеющия во мне стра́сти укроти́/ и
яре́м смире́ния возложи́ на мя, Богоро́дице,/ да под и́гом е́го
порабо́таю проче́е вре́мя/ и обря́щу ми́лость в День Су́дный.

Конда́к, глас 8

Звездú Росси́йскую, от Ки́ева возсия́вшую,/ чрез
Ни́жний Новгра́д в Су́здаль дости́гшую/ и всю страну́ сию́
уче́нием озари́вшую,/ ублажи́м богому́драго Диони́сия,/ той
бо мо́лится Го́споду/ спасти́ся душа́м на́шим.

Икос

Оби́тель Ду́ха Свята́го ты, святите́лю о́тче Диони́сие,
показа́ся,/ в трудéх, слеза́х, моли́тве и постé/ ра́ди Бо́га
подвиза́ся, Ему́ Еди́ному служа́./ Тя за ре́вность ко благо-
че́стию Госпо́дь на ка́федру избра́,/ поста́ви Су́здальския
земли́ архипа́стырем,/ мы же ти велегла́сно та́ко возопи́им:
Ра́дуйся, Киево́-Пече́рское воспита́ние, собесéднике и
спо́стнике преподо́бному Серге́ю./ Ра́дуйся, на брега́х Во́лги
оби́тель чу́дную основа́вый и в ней храм Вознесе́ния Госпо́дня

устроивый./ Рáдуйся, мно́жество и́нок в обители сей
собра́вый./ над ни́ми нача́льником от Христа́ поста́вленный./
Рáдуйся, мона́шескаго жити́я свѣтлый о́бразе, преподо́бных
Евфѣмѣя и Мака́рия наста́вниче./ Рáдуйся, от е́реси стри-
го́льников Цѣркви и всея́ земли́ Росси́йскаго крѣпкий за-
щи́тниче./ Рáдуйся, в Константи́не гра́де вся свои́ми добро-
де́телями удивѣ́вый/ и за ре́вность ве́лию о Го́споде митро-
поли́том Ру́сскаго земли́ поста́вленный./

Рáдуйся, святителю́ о́тче наш Диони́сие, земли́ Рос-
си́йскаго пресвѣтлое украше́ние.

Песнь 7

Ирмо́с: От Иуде́и доше́дше о́троцы,/ в Вавило́не ино́гда/
ве́рою Тро́ическою пла́мень пе́щный попра́ша, пою́ще:/ о́тцев
Бо́же, благослове́н еси́.

Крѣпостию Господне́ю измла́да укрепля́емый,/ в огра́де
преподо́бных о́тец пребыва́л еси́,/ в посте́, слеза́х, моли́тве
свой и́ноческий путь провожда́л еси́;/ на бре́г реки́ Во́лги
с ико́ною Бо́жия Ма́тере,/ Благода́тию Ду́ха Свята́го
направля́емый,/ оби́тель чу́дную основа́л еси́./ Не забуди
нас, ве́рою и любóвию чту́щих тя, преподо́бне.

Сла́ва святителем и ве́рным лю́дем заступник вои́стину
был еси́,/ стране́ на́шей ны́не на враги́ испроси́ победы
и одоле́ние/ и во благоче́стии утверди́ ны непоколебѣ́мы,/
о́тче досточу́дне Диони́сие.

Чи́стое жити́е свое́ сконча́л еси́,/ Чи́стыя Де́вы Богоро́-
дицы вои́стину служи́тель был еси́/ и святитель Бо́гови

исти́нен, / ревни́тель Правосла́вия и священны́я ве́ры / и
сте́на лю́дем избра́нным, богоблаже́нне Диони́сие.

В пе́щѣ искуше́ний и в пла́мени страсте́й / егда́ ты
неопали́вшагося ви́де Вселе́нский Константи́на гра́да Пат-
риа́рх, / ублажи́ му́жество твоё и ре́вность о Правосла́вии /
и почти́ ты са́ном архиепи́скопским. / Та́ко и мы, чту́ще
па́мять твою́, превозно́сим Го́спода во ве́ки.

Богоро́дичен: Ско́рая в беда́х Помо́щнице, / гото́вое
обурева́емым приста́нище, / сохрани́ мя, Ма́ти Бо́жия, от
пото́пления житё́йскаго / и не даждь ми разби́тиса о ка́мень
па́губы душе́вныя.

Песнь 8

Ирмо́с: Ца́ря Небе́снаго, / Его́же пою́т во́и а́нгельстии, /
хва́лите и превозно́сите во вся ве́ки.

Пра́зднует Це́рковь твоё преставле́ние и благознаме-
ни́тый день твоего́ успе́ния: / жити́е бо на землі́ благоче́стно
пожи́в, пресла́вне, / плод стори́чествующий Влады́це твоему́
прине́сл еси́ / и от Него́ сподо́бился еси́ сла́вы неизрече́нныя, /
непреста́нно вопия́: / благослове́н Бог оте́ц на́ших.

Кре́пкаго подви́жника о́гнь страсте́й не опали́, / но
Боже́ственная благода́ть ороси́ / и све́тла жити́ем показá,
зову́ща: / благослове́н Бог оте́ц на́ших.

Не на песце́ суеты́ мирскія, / но на ка́мени ве́ры
основа́ние положи́в, блаже́нне, / в честь Вознесе́ния
Госпо́дня оби́тель созда́л еси́ / и духо́вная тво́я ча́да зва́ти
научи́л еси́: / благослове́н Бог оте́ц на́ших.

Послушанием и милосердием, постом же и молитвою Богу благоугодил еси:/ сего ради прослави тя пред Ангелы и человеки:/ благословен Бог отец наших.

Богородичен: Многое веселие творю злыми делы бесом и радость, хранителю же моему печаль отовсюду./ О Чистая Марие, Мати Христа Бога, настави мя на покаяние,/ да будет о нем плач, Ангелу же моему радость, и мне с ним во веки.

Песнь 9

Ирмос: Воистину Богородицу/ Тя исповедуем,/ спасеннии Тобою, Дево Чистая,/ с безплотными лики Тя величающе.

Благославнаго града Суздаля архипастырь благоговейнейший явился еси,/ в Царьграде Патриархом Нилом на Митрополию Россійскую поставлен был еси./ Не престаи моляся о пастве твоей,/ память твою, достохвальне, совершающей.

В Константине граде на Митрополию Россійскую поставлен быв,/ Великаго града Кіева вскоре достигл еси,/ от князя тамо заточение смиренно прияв,/ в темнице святую душу свою честно Господеву предал еси/ и в пещере великаго Антония погребен был еси./ Ныне же молися со преподобными о нас ко Господу/ спастися душам нашим.

Святителю Божий, угодниче Христов Дионисие,/ милости неистощимое сокровище, рекó милосердия воистину,/ призри на немощи моя и исцели душу,/ страстьми

зде обуреваемую,/ уврачуй и тело мое, немощми обложенное,/ да прославлю в тебе благодать и милосердие Христа Бога нашего.

Приими хвалу от раб твоих недостойных, святителю отче Дионисие,/ не презри приносимое тебе благохваление/ и молитву о нас ко Всеблагому Богу сотвори,/ любовь со благоговением почитающих святую память твою.

Богородичен: Вся тварь песнословит Тя, Дево,/ яко прошедшую вся Небесная врата и ставшую Огнезрачнаго одесную Престола./ Одесную стати и нас сподоби Сына Твоего,/ яко песнями Рождшагося из Тебе и Тя величаем.

Светилен, глас 1

Ученими твоими и дела Церковь Христова украсил еси, святителю отче Дионисие,/ отонудуже в мире просия твоё добродетельное житие:/ в молитвах, и пощениих, и бдениих образ учеником был еси./ Темже вопием:/ слава Давшему ти крепость,/ слава Венчавшему тя,/ слава Дарующему тобою всем исцеление.

Слава, и ныне, Богородичен

Царя веков, Царице Сущая и Мати, умоли над страстми царей показать певцы Твоя:/ се бо приводим Ти в молитву чуднаго Дионисия, угодника Твоего,/ в егоже памяти поклоняющися Тебе величаем.

На хвалітех стихіры на 4, глас 8

Подобен: Что ты наречём:

Что ты наречём, богоблаженне Дионісие?/ Божественных преданий учителя,/ служителя таин и делателя винограда Христова,/ свещу, Церковь озаряющую,/ зарю, мрак страстей разгоняющую,/ Россійския земли звезду пресветлую,/ Сүздальскаго края светозарное светило./ Многа ти имена и больша дарования,/ темже моли спастися душам нашим.

Восхвалим ты, преблаженне Дионісие,/ Троицы чистое жилище,/ Христу подражателю неустанный,/ пролитие дарований духовных,/ безстрастия красный сосуде и чудес источнике неизсякаемый,/ демонов прогонителю неустрашимый/ и страстей целителю презрядный,/ монашествующих столпе непоколебимый,/ в трудех святителю неусыпный/ и к Богу молитвенниче непостыдный./ Ныне, предстоя Престолу Владыки всех,/ испроси стране нашей утверждение/ и спасение душам нашим.

Труды, пощением и бдением умерщвляяй тело твоё,/ непрестанными молитвами к Богу всегда вопиял еси,/ Святому Духу прекрасная обитель явился еси./ Иже, видя твоё благое произволение,/ архипастырем края Нижегородскаго и земли Сүздальския постави ты./ Ты же Церковь добротами украсил еси,/ люди твою просветил еси./ Сего ради ты почитаем, святителю богомудре Дионісие,/ моли о творящих святую память твою.

Сла́ва, глас 2

Подобен: Егда́ от Древа:

Кѣими псалмы́ и пѣнии/ ублажѣм богомудраго Дионѣсія,/ евангелскаго учѣния рачѣтеля/ и страстѣм Христо́вым подражателя,/ святѣтелем украшѣние, ино́ком утвержде́ние,/ печальным утешѣние, отчая́нным заступника,/ похвалу́ и радование земли́ на́шея?/ Моли́ за ны Христа́ Бо́га, преблаже́нне Дионѣсие,/ да не посече́т ны, яко беспло́дную смоко́вницу,/ но да вселѣт ны, иде́же присеца́ет свет лица́ Его́.

И ны́не, Богоро́дичен, глас 2

Спаси́ от бед рабы́ Твоѣя, Богоро́дице Де́во,/ я́ко вси по Бо́зе к Тебе́ прибега́ем,/ я́ко неруши́мей стене́ и предста́тельству.

Славосло́вие вели́кое. И отпу́ст.

НА ЛИТУРГИИ

Блаже́нны от канона, пѣсни 3-я и 6-я.

Прокі́мен: Уста́ моя́ возглаго́лют премудро́сть,/ и поучѣ́ние се́рдца моего́ разу́м. **Стих:** Услы́шите сѣя́, вси́ язы́цы:

Апосто́л ко Евре́ем, зача́ло 335. Аллилу́иа, глас 2: Уста́ пра́веднаго поуча́тся премудро́сти. **Стих:** Зако́н Бо́га его́ в се́рдце его́. **Евангелие от Луки́, зача́ло 24.**

Прича́стен: В па́мять вѣчную́ бу́дет пра́ведник: